



JABATAN BENDAHARI
BURSAR'S OFFICE
Universiti Utara Malaysia
06010 UUM SINTOK
KEDAH DARUL AMAN
MALAYSIA



Tel: 604-928 3200/3221/3255
Faks (Fax): 604-928 3299
Laman Web (Web): www.uum.edu.my

KEDAH AMAN MAKMUR • BERSAMA MEMACU TRANSFORMASI

BEND20160117-KB0295

17 Januari 2016

PEKELILING BENDAHARI BIL 4/2016

Semua Penolong Naib Canselor/Ketua Jabatan/Pengarah
Universiti Utara Malaysia

YBhg. Datuk Sri/ Datuk/ Dato'/ Prof./ Dr./ Tuan/ Puan

DASAR PEMBAYARAN INSENTIF AGEN PENGREKRUTAN PELAJAR

Dengan hormatnya saya merujuk kepada perkara di atas.

Dengan hormatnya dimaklumkan bahawa Mesyuarat Jawatankuasa Pengurusan Universiti (JPU) Ke-215 Bil.11/2015 telah meluluskan satu dasar mengenai pembayaran insentif agen pengrekrutan pelajar tempatan dan antarabangsa. Dasar pembayaran insentif untuk agen pengrekrutan pelajar ini disediakan bertujuan:

Universiti Pengurusan Terkemuka
The Eminent Management University



- Memastikan pembayaran insentif benar-benar membantu universiti dalam menambahkan bilangan pelajar baharu atas usaha sebenar agen pengrekrutan.
- Mengelakkan berlakunya tuntutan insentif yang tidak sepatutnya dibayar kepada agen pengrekrutan yang mana akan merugikan Universiti.
- Menyeragamkan proses bayaran insentif kepada agen pengrekrutan dan memperjelaskan tanggungjawab setiap Pusat Tanggungjawab (PTJ) yang terlibat.
- Memastikan bayaran insentif ini mematuhi Peraturan Kewangan Universiti serta dibayar mengikut prosedur operasi yang ditetapkan (SOP).

Terdapat dua (2) jenis agen pengrekrutan iaitu bagi pelajar tempatan dan pelajar antarabangsa. Insentif yang dibayar kepada agen pengrekrutan untuk setiap pelajar baharu adalah seperti berikut;

	Pelajar Tempatan	Pelajar Antarabangsa
Ijazah Sajana Muda	Tiada	RM450
Ijazah Sarjana	RM200/450(MBA)	RM600
Ijazah Kedoktoran	RM200	RM600/900(DBA)

Setiap agen perlu mematuhi semua syarat berikut bagi melayakkan mereka menuntut bayaran insentif;

- Agen perlu berdaftar dengan UUM. Tempoh sah pendaftaran adalah selama dua (2) tahun dan perlu mendaftar semula sebagai agen selepas tamat tempoh sah sekiranya ingin meneruskan perkhidmatan.

- Agen pelajar tempatan perlu memenuhi syarat bilangan minima pelajar yang didaftarkan pada sesuatu semester. Bilangan minima pelajar tidak boleh dikumpulkan bagi kemasukan semester yang berlainan.
- Agen bagi pelajar tempatan hanya layak menuntut insentif bagi pelajar baharu yang berdaftar di pusat-pusat pengajian luar sahaja (selain dari kampus induk UUM). Bilangan minima pelajar yang perlu didaftarkan oleh agen tempatan bagi melayakkan mereka menuntut insentif adalah seperti berikut;

Bil. Minima Pelajar

Ijazah Sajana Muda	Tiada
Ijazah Sarjana	10 orang/sem.
Ijazah Kedoktoran	5 orang/sem.

- Pelajar yang layak diambilkira untuk bayaran insentif ini mestilah menyelesaikan keseluruhan yuran semester pertama. Pelajar yang menerima tajaan tidak layak diambilkira bagi tujuan pembayaran insentif ini.
- Agen perlu menguruskan pendaftaran pelajarnya semasa hari pendaftaran disamping perlu mengemukakan surat yang memperakukannya sebagai agen dari pelajar berkenaan pada hari pendaftaran.
- Agen perlu mengemukakan tuntutan insentif beserta dokumen sokongan yang lengkap pada semester pertama di mana pelajar tersebut didaftarkan. Tuntutan yang tidak memenuhi syarat atau yang lewat (dikemukakan pada semester yang berikutnya) tidak akan dibayar.

- Pelajar yang tidak/ belum memenuhi syarat keperluan Bahasa Inggeris atau sedang mengikuti kursus insentif Bahasa Inggeris tidak layak diambil kira walaupun telah berdaftar sebagai pelajar UUM. Tuntutan hanya boleh dibuat selepas pelajar tersebut lulus/ memenuhi syarat keperluan Bahasa Inggeris.

Jabatan Hal Ehwal Akademik (HEA) telah diberi tanggungjawab menguruskan agen dalam negara manakala Pusat Hal Ehwal dan Kerjasama Antarabangsa (CIAC) bertanggungjawab terhadap agen luar negara. Di antara tanggungjawab tersebut adalah;

- Mendaftarkan agen-agen baharu dan mengemaskini rekod agen-agen yang telah tamat tempoh sah.
- Memastikan setiap permohonan disertakan dengan dokumen yang lengkap dan memenuhi syarat-syarat yang ditetapkan.
- Memperakukan tuntutan dari agen untuk dibayar insentif pengrekrutan.

Sehubungan dengan itu, HEA dan CIAC perlu menyampaikan semua syarat yang dinyatakan di atas ke pengetahuan agen-agen yang telah berdaftar termasuk agen baharu untuk memastikan mereka memperolehi maklumat yang tepat tentang syarat-syarat baharu yang perlu dipatuhi bagi mengelakkan berlakunya kekeliruan dengan amalan yang dilaksanakan oleh Universiti sebelum ini.

Pekeliling ini berkuatkuasa mulai kemasukan pelajar baharu semester 2 sesi 2015/2016 (A152).

Sekian, terima kasih.

“ILMU BUDI BAKTI”

Saya yang menurut perintah


HJ AMRON MAN

Bendahari
Universiti Utara Malaysia

s.k. - Naib Canselor
- Timbalan-Timbalan Naib Canselor